

司馬文正公集

蘇軾詩集
卷之四
PDC

西安府志卷第四十六

大事志

周官左右史職有記言記事之殊然紀事卽所以記言也秦中爲周秦漢唐建國之區舉凡朝廷施設雖非專以屬之畿輔然會盟征伐禮樂刑政之大以及辰象庶徵禋祥昭著其地與人實在於斯則考鏡得失不得視爲公家言而概置之弗錄也茲仿通鑑之例凡政教所出事關斯土者皆採摭正史自夏商周以迄元明分爲八卷至

本朝功崇德溥風化所及周暨溥海內外匪一省一郡得專私述且石室金匱之藏亦非外臣所敢竊窺可以擅爲記注也故謹從略焉

夏

書甘誓大戰于甘夏本紀啟卽天子位有扈氏不服啟伐之大戰于甘滅有扈

按漢地理志扶風郿縣爲扈國

商

竹書紀年夏六月周地震

按事在帝乙三祀

韓詩外傳周文公蒞國八年六月文王寢疾五日而地動東西南北不出國郊羣臣恐請移之文王曰奈何對曰興事動衆以增國城其可乎文王曰天道見妖以罰有罪今興事動衆以增國城是重吾罪也昌也請改行重善以移

之無幾疾止

按事在帝乙十五祀

竹書紀年周文王禰於畢

按畢在今咸陽西北事在帝辛六祀

詩大雅虞芮質厥成集傳虞芮之君爭田乃朝周人其境則耕者讓畔行者讓路人其邑男女異路班白者不提挈入其朝士讓爲大夫大夫讓爲卿二國之君感而相讓以所爭之田爲閒田而退天下聞而歸者四十餘國

按事在帝辛十四祀

齊世家呂尚困窮年老漁釣於周西伯將出獵卜之曰所獲非龍非鰲非虎非羆所獲霸王之輔果遇太公於渭之

陽曰吾太公望子久矣號曰太公望載與俱歸立爲師

按事在帝辛十五祀

詩大雅依其在京侵自阮疆陟我高岡無矢我陵我陵我
阿無飲我泉我泉我池度其鮮原居岐之陽在渭之將

按詩集傳文王從阮疆出以侵密於是徙都所謂程邑
也卽今京兆咸陽縣事在帝辛十六祀

詩大雅旣伐于崇作邑于豐左傳文王聞崇德亂伐之三
旬不降退修教復伐之因壘而降周本紀紂賜西伯弓矢
鉄鉞得征伐伐崇侯虎作豐邑自岐下而徙都豐

按詩集傳豐卽崇國地在今鄠縣杜陵西南

詩大雅經始靈臺經之營之庶民攻之不日成之易乾鑿

二十九年伐崇侯作靈臺新序文王作靈臺爲池
地得死人骨文王曰葬之吏曰此無主矣文王曰有天
下者天下之主有一國者一國之主寡人固其主又安求
主遂以衣冠更葬之天下皆曰文王賢矣澤及枯骨況於
人乎

按已上事並在帝辛十九祀

周

詩大雅考卜維王宅是鎬京

按詩集傳鎬京武王所營也在豐水東去豐邑二十五
里

周書惟一月壬辰旁死魄越翼日癸巳王朝步自周于征

伐商厥四月哉明生王來自商至于豐

匈奴傳武王伐紂居豐鎬放戎夷涇洛之北以時入貢命曰荒服

漢刑法志以兵定天下天下既定戢藏干戈教以文德而猶立司馬之官設六軍之衆因井田而制軍賦地方一里爲井井十爲通通十爲成成方十里成十爲終終十爲同同方百里同十爲封封十爲畿畿方千里有稅有賦稅以足食賦以足兵故四井爲邑四邑爲邱邱有戎馬一匹牛三頭四邱爲甸甸有戎馬四匹兵車一乘牛十二頭甲士三人卒七十二人干戈備具天子畿方千里提封百萬井是出賦六十四萬井戎馬四萬匹兵軍萬乘故稱萬乘之

戎馬車徒干戈素具春振旅以搜夏拔舍以宿秋治
以獮冬大閱以狩皆於農隙以講事焉

按已上事並在武王十三年

書金縢周公居東秋大熟未獲天大雷電以風禾盡偃大
木斯拔王啟金縢得周公所自以爲功代武王之諱王執
書以泣曰今天動威以彰周公之德惟朕小子其親迎王
出郊天乃雨反風歲大熟

按事在成王二年

書止義周公攝政七年二月成王自鎬京至豐以遷都事
告于文王廟

按事在成王七年

竹書紀年離戎來賓注驪山之戎也爲林氏所戎告于成王

按事在成王三十年

索隱王自鎬徙都犬丘一曰廢丘今槐里是也

按事在懿王元年

竹書紀年西戎侵鎬

按事在懿王七年

秦本紀周厲王無道諸侯叛之西戎反三室滅犬丘大略之族

按事在厲王三十六年

秦本紀宣王以秦仲爲大夫誅西戎

詩小雅玁狁孔熾我是用急王于出征以匡王國大雅玁狁茹整居焦獲侵鎬及方至于涇陽

按已上事並在宣王元年

秦本紀西戎殺秦仲秦仲有子五人長曰莊公宣王與兵七千人使伐西戎破之復予秦仲後及其先大駱犬圪地莊公居其故西犬圪

按事在宣王六年

周語三川震伯陽甫曰夫國必依山川山崩川竭亡國之徵也若國亡不過十年

按事在幽王二年

秦本紀襄公二年戎圍犬邱世父擊之爲戎人所虜歲餘

歸

按事在幽王六年

周本紀幽王嬖愛褒姒周太史伯陽曰昔夏后氏之衰也有二神龍止於庭曰余褒之二君夏帝卜請其繇而藏之吉三代莫敢發厲王末發而觀之繇流于庭化爲黿入王後宮後宮童妾旣讎而遭之笄而孕生子懼而去之宣王時謠曰檠弧箕服實亡周國宣王聞之有夫婦賣是器者王使戮之逃於道見鄉者後宮所棄妖子於路收之遂亡奔於褒褒人有罪請入童妾所棄女子以贖罪是爲褒姒幽土三年王之後宮見而愛之生子伯服竟廢申后及太子宜臼以褒姒爲后伯服爲太子太史伯陽曰禍成矣無

可奈何褒姒不好笑幽王欲其笑爲烽燧大鼓有寇至則舉燧火諸侯悉至至而無寇褒姒乃笑幽王以虢石父爲卿用事國人皆怨又廢申侯去太子也申侯怒與繒西夷犬戎攻幽王幽王舉烽火徵兵兵莫至遂殺幽王驪山下虜褒姒盡取周賂而去於是諸侯乃卽申侯共立故太子宜臼是爲平王以奉宗祀

按事在幽王十一年

秦世紀周辟犬戎難東徙雒邑襄公以兵送平王王封襄公爲諸侯賜之岐以西地曰戎無道侵奪我岐豐之地秦能攻逐戎卽有其地襄公於是始國而與東諸侯通使聘享之禮匈奴傳犬戎殺幽王遂取周焦獲而居涇渭之間

西要府志卷四
侵暴中國秦襄公救周平王去鄠鎬東徙雒邑

秦本紀秦用駟駒黃牛羝羊各三祠上帝西時年表秦立西時祠白帝

按已上事並在平王元年

秦本紀秦文公十六年以兵伐戎戎敗走文公收周餘民有之地至岐岐以東獻之王

按事在平王二十一年

秦本紀寧公二年伐蕩社三年與亳戰亳王奔戎遂滅蕩社索隱西戎之君號曰亳王蓋成湯之裔其邑曰蕩社

按徐廣注蕩社一作湯杜言湯邑在杜縣界事在桓王

七年

年表秦寧公四年作密時括地志密時在渭南祭青帝
左傳晉伐驪戎以驪姬歸生奚齊其娣生卓子晉世家初
獻公將伐驪戎卜曰齒牙爲禍及破驪戎獲驪姬愛之竟
以亂晉

按已上事並在惠王五年

漢五行志魯莊公三十年九月庚午朔日有食之劉歆以
爲八月秦分

按事在惠王十三年

漢五行志魯僖公五年九月戊申朔日有食之劉歆以爲
七月秦分

按事在惠王二十二年

左傳晉薦飢使乞糴於秦邳鄭之子豹在秦請伐晉秦伯曰其君是惡其民何罪於是輸粟於晉自雍及絳相繼命曰汎舟之役

按事在襄王五年

晉世家晉惠公五年秦飢請糴於晉謀之虢射曰往年天以晉賜秦秦弗知取而貸我今天以秦賜晉晉其可以逆天乎遂不與秦粟且伐秦

按事在襄王六年

秦本紀秦用由余謀伐戎王益國十二開地千里遂霸西戎天子使召公過賀賜繆公以金鼓

按事在襄王二十九年

左傳晉欲求成於秦趙穿曰我侵崇崇急秦必救之吾以求成焉冬趙穿侵崇秦弗與成

按杜注崇秦之與國今鄆縣事在頃王五年

左傳秦師伐晉以報崇也遂圍焦

按事在頃王六年

左傳秦庶長鮑庶長武帥師伐晉戰于櫟晉師敗績

按事在靈王十年

漢五行志魯襄公二十年十月丙辰朔日有食之劉歆以爲八月秦分

按事在靈王十九年

漢五行志魯襄公二十一年九月庚戌朔日有食之劉歆

以爲七月秦分十月庚辰朔日有食之劉歆以爲八月秦分

按事在靈王二十年

左傳晉侯伐秦以報櫟之役也晉侯待于竟使六卿帥諸侯之師以進及涇魯人莒人先濟鄭子蟜衛北宮懿子見諸侯之師勸之濟秦人毒涇上流師人多死至於棧林不獲成焉

按事在靈王十三年

秦本紀厲共公二十一年初縣頻陽

按頻陽今富平地事在定王十三年

年表秦躁公十三年義渠伐秦侵至渭陽西羌傳自秦厲